

女科下卷目錄 其三十九條四十一、

妊娠

惡阻 順肝益氣湯

浮腫 加減補中益氣湯

少腹疼 安奠二天湯

口乾咽疼 潤燥安胎湯

吐瀉腹疼 援土固胎湯

子懸脇疼 解鬱湯

跌損 救損安胎湯

胎漏 助氣補漏湯

子鳴 扶氣止啼湯

腰腹疼渴汗燥狂即子狂 息焚安胎湯



中惡 消惡安胎湯

多怒墮胎 利氣洩火湯

小產

行房不慎 固氣填精湯

跌閃 散瘀湯

大便乾結 加減四物湯

畏寒腹痛 黃芪補氣湯

大怒 引氣歸血湯

難產

血虛 送子丹

交骨不開 降子湯

脚手先下 轉天湯



北京中醫藥大學圖書館版權所有

氣逆 舒氣湯

子死產門 救母湯

子死腹中 療兒散

正產

胞衣不下 送胞湯 補中益氣湯

氣虛血暈 補氣解暈湯

血暈不語 刺眉心穴法 一獨參湯

敗血攻心暈 安心湯

腸下 補氣升腸湯 草薤仁提法

產後

少腹疼 血瘀散結定瘀湯 血虛腸寧湯

氣喘 救脫活母湯



惡寒身顫 十全大補湯

惡心嘔吐 溫腎止嘔湯

血崩 救敗求生湯

手傷胞胎淋漓不止 完胞湯

四肢浮腫 轉氣湯

肉線出 兩收湯

肝痿 收膜湯

氣血兩虛乳汁不下 通乳丹

鬱結乳汁不通 通肝生乳湯



女科下卷

妊娠惡阻 三十九

陽曲傅山青主手著

婦人懷娠之後惡心嘔吐思酸解渴見食憎惡困倦欲
 卧人皆曰妊娠惡阻也誰知肝血太燥乎夫婦人受妊
 本於腎氣之旺也腎旺是以攝精然腎一受精而成娠
 則腎水生胎不暇化潤於五臟而肝為腎之子日食母
 氣以舒一日無津液之養則肝氣迫索而腎水不能應
 則肝益急肝急則火動而逆也肝氣既逆是以嘔吐惡
 心之症生焉嘔吐縱不至太甚而其傷氣則一也氣既
 受傷則肝血愈耗世人用四物湯治胎前諸症者正以
 其能生肝之血也然補肝以生血未為不佳但生血而

外有肝鬱
 氣滯胸膈
 膨悶見食
 不惡不能
 多食雖係
 好娠而非

惡阻宜分
別治之後
另有方

方極效但
蘇子一兩

疑是一錢
之誤然因

初上元生
人稟賦最

壯或非用
一兩不效

今當下元
用一錢可

也萬不可

不知生氣則脾胃衰微不勝頻嘔猶恐氣虛則血不易
生也故於平肝補血之中加以健脾開胃之品以生陽
氣則氣能生血尤益胎氣耳或疑氣逆而用補氣之藥
不益助其逆乎不知妊娠惡阻其逆不甚且逆是因虛
而逆非因邪而逆也因邪而逆者助其氣則逆增因虛
而逆者補其氣則逆轉況補氣於補血之中則陰足以
制陽又何慮其增逆乎宜用順肝益氣湯

人參 一兩 當歸 一兩 蘇子 一兩 白朮 三錢 茯苓 二錢

熟地 五錢 白芍 三錢 麥冬 三錢 陳皮 三分 砂仁 一粒

神麴 一錢

水煎服一劑輕二劑平三劑全愈此方平肝則肝逆
除補腎則肝燥息補氣則血易生凡胎病而少帶惡

用一兩
疏肝化滯
湯全當歸
酒洗六錢
杭芍酒炒
三錢黨參
去蘆三錢
白扁豆去
皮四錢雲
苓二錢香
附炒焦二
錢砂仁炒
研錢半條
芥炒焦八
分神麩炒
馬錢半廣
皮八分薄
荷六分甘
草五分水
煎服

阻者俱以此方投之無不安最有益於胎婦其功更勝於四物焉

妊娠浮腫四十

妊婦有至五個月肢體倦怠飲食無味先兩足腫漸至遍身頭面俱腫人以爲溼氣使然也誰知是脾肺氣虛乎夫妊娠雖有按月養胎之分其實不可拘於月數總以健脾補肺爲大綱蓋脾統血肺主氣胎非血不蔭非氣不生脾健則血旺而蔭胎肺清則氣旺而生子苟肺衰則氣餒氣餒則不能運氣於皮膚矣脾虛則血少血少則不能運血於肢體矣氣與血兩虛脾與肺失職所以飲食難消精微不化勢必至氣血下陷不能升舉而溼邪卽乘其所虛之處積而成浮腫症非由脾肺之氣



白朮一時
今多以蒼
朮充之凡
白朮傷者
更多白朮
補胎養木
打胎用者
宜審若恐
其僞以白
扁豆山藥
代之較妥

血虛而然耶治法當補其脾之血與肺之氣不必祛溼而溼自無不去之理方用加減補中益氣湯

人參 五錢
黃芪 三錢
生用 柴胡 一錢
甘草 一分
當歸 三錢

白朮 五錢
土炒 茯苓 一兩
升麻 三分
陳皮 三分

水煎服四劑即愈十劑不再犯夫補中益氣湯之立法也原是升提脾肺之氣似乎益氣而不補血然而血非氣不生是補氣即所以生血觀當歸補血湯用黃芪為君則較著彰明矣況溼氣乘脾肺之虛而相犯未便大補其血恐陰太盛而招陰也只補氣而助以利溼之品則氣升而水尤易散血亦隨之而生矣然則何以重用茯苓而至一兩不幾以利溼為君乎嗟嗟溼症而不以此藥為君將以何者為君乎沉重



用茯苓於補氣之中雖曰滲溼而仍足健脾清肺
意且凡利水之品多是耗氣之藥而茯苓與參朮合
實補多於利所以重用之以分溼邪卽以補氣血耳

妊娠少腹疼 四十一

妊娠小腹作疼胎動不安如有下墜之狀人只知帶脉
無力也誰知是脾腎之虧乎夫胞胎雖繫於帶脉而帶
脉實關於脾腎脾腎虧損則帶脉無力胞胎卽無以勝
任矣況人之脾腎虧損者非飲食之過傷卽色慾之太
甚脾腎虧則帶脉急胞胎所以有下墜之狀也然則胞
胎之系通於心與腎而不通於脾補腎可也何故補脾
然脾爲後天腎爲先天脾非先天之氣不能化腎非後
天之氣不能生補腎而不補脾則腎之精何以遽生也



人參一兩
無力者以
黨參代之
無上黨參
者以嫩黃
芪代之

是補後天之脾正所以補先天之腎也補先後二天之

脾與腎正所以固胞胎之氣與血脾腎可不均補乎

用安奠二天湯

人參一兩 去蘆熟地一兩 白朮一兩 山藥五錢 炙草一錢

山萸五錢 杜仲三錢 枸杞二錢 扁豆五錢

水煎服一劑而疼止二劑而胎安矣夫胎動乃脾腎

雙虧之症非大用參朮熟地補陰補陽之品斷不能

挽回於頃刻世人往往畏用參朮或少用以冀建功

所以寡效此方正妙在多用也

妊娠口乾咽痛 四十二

妊婦至三四個月自覺口乾舌燥咽喉微痛無津以潤
以至胎動不安甚則血流如經水人以爲火動之極也



方極妙用
之立應萬
不可因咽
痛而加豆
根射干等
藥亦不可
因過潤而
加雲苓

誰知是水虧之甚乎夫胎也者本精與血之柏結而成
逐月養胎古人每分經絡其實均不離腎水之養故腎
水足而胎安腎水虧而胎動雖然腎水虧又何能動胎
必腎經之火動而胎始不安耳然而火之有餘仍是水
之不足所以火炎而胎必動補水則胎自安亦既濟之
義也惟是腎水不能遽生必須滋補補金金潤則能生
水而水有逢源之樂矣水既有本則源泉混混矣而火
又何難制乎再少加以清熱之品則胎自無不安矣方
用潤燥安胎湯

熟地一兩 生地三錢 山萸肉五錢 麥冬五錢
九蒸 酒炒 蒸 去心

五味一錢 阿膠二錢 黃芩二錢 益母二錢
炒 蛤粉炒 酒炒

水煎服二劑而燥息再二劑而胎安連服十劑而胎

不再動矣此方專填腎中之精而兼補肺然補肺仍是補腎之意故腎經不乾燥則火不能灼胎焉有不
安之理乎

妊娠吐瀉腹疼 四十三

妊婦上吐下瀉胎動欲墮腹疼難忍急不可緩此脾胃
虛極而然也夫脾胃之氣虛則胞胎無力必有崩墜之
虞况又上吐下瀉則脾與胃之氣因吐瀉而愈虛欲胞
胎之無恙也得乎然胞胎疼痛而究不至下墜者何也
全賴腎氣之固也胞胎繫於腎而連於心腎氣固則交
於心其氣通於胞胎此胞胎之所以欲墜而不得也且
腎氣能固則陰火必來生脾心氣能通則心火必來援
胃脾胃雖虛而未絕則胞胎雖動而不墮可不急救其



白朮多傷
肉桂更無
佳者用者
若有真藥
固妙如無
真藥白朮
以白扁豆
代之肉桂
以破故紙
代之

脾胃乎然脾胃當將絕而未絕之時只救脾胃而難愈
生更宜補其心腎之火使之生上則兩相接續胎自固
而安矣方用援土固胎湯

人參 一兩

白朮 二兩

山藥 一兩

肉桂 二錢

去粗研

製附子 五分

續斷 三錢

杜仲 三錢

山萸 一兩

蒸去核

枸杞 三錢

兔絲子 三錢

砂仁 三錢

炙草 一錢

水煎服一劑而洩止二劑而諸病盡愈矣此方救脾

胃之士十之八救心腎之火十之二也救火輕於救

土者豈以上欲絕而火未甚衰乎非也蓋土崩非重

劑不能援火衰雖小劑而可助熱藥多用必有太燥

之虞不比溫胃之品也況胎動係土衷而非火弱何

用太熱妊娠忌桂附是恐傷胎豈可多用小熱之品



計之以錢大熱之品計之以分者不過用以引火而非用以壯火也其深思哉

妊娠子懸脇疼 四十四

妊婦有懷抱憂鬱以致胎動不安兩脇悶而疼痛如弓上弦人止知是子懸之病也誰知是肝氣不通乎夫養胎半係於腎水然非肝血相助則腎水實有獨力難支之勢故保胎必滋腎水而肝血斷不可不顧使肝氣不鬱則肝之氣不閉而肝之血必旺自然灌溉胞胎合腎水而並協養胎之力今肝氣因憂鬱而閉塞則胎無血蔭腎難獨任而胎安得不上升以覓食此乃鬱氣使然也莫認爲子之欲自懸而妄用泄子之品則得矣治法宜開肝氣之鬱結補肝血之燥乾則子懸自定矣方用



方加慧仁
三四錢九
妙

解鬱傷

人參 一錢
白朮 五錢
白茯苓 三錢
當歸 一兩

白芍 一兩
枳壳 五分
砂仁 三粒
山梔子 三錢
薄荷 一錢

水煎服一劑而悶痛除二劑而子懸定至三劑而全

安去梔子再多服數劑不復發此乃平肝解鬱之聖

藥鬱開則木不尅土肝平則火不妄動方中又有健

脾開胃之品自然水精四布而肝與腎有潤澤之機

則胞胎自無燥之患又何慮上懸之不愈哉

妊娠跌損 四十五

妊婦有失足跌損致傷胎元腹中疼痛勢如將墮者人

只知是外傷之為病也誰知有內傷之故乎凡人內無

他症胎元堅固即或跌撲閃挫依然無恙惟內之氣血



即用尋常
白朮上炒
焦最妙以
其能理氣
行血也於
白朮味過
甘不能理
氣行血用
者知之

素虧故畧有閃挫胎便不安若止作閃挫外傷治斷難
奏功且恐有因治而反墮者可不慎與必須大補氣血
而少加以行瘀之品則瘀散胎安矣但大補氣血之藥
又宜補血之品多於補氣之藥則無不得之方用救
安胎湯

當歸 一兩 酒洗
白芍 三錢 酒炒
生地 一兩 酒炒
白朮 五錢 土炒

炙草 一錢
人參 一錢
蘇木 三錢 搗碎
乳香 一錢 去油

沒藥 一錢 去油

水煎服一劑而疼痛止二劑而勢不墜矣不必三

劑也此方之妙妙在既能去瘀而不傷胎又能補氣

補血而不凝滯固無通利之害亦痊跌閃之傷有益

無損大建奇功即此方與然不特治懷孕之閃挫也



卽無娠悶挫亦可用之

妊娠小便下血病名胎漏四十六

妊婦有胎不動腹不疼而小便中時常有血流出者人
以爲血虛胎漏也誰知氣虛不能攝血乎夫血只能蔭
胎而胎中之蔭血必賴氣以衛之氣虛下陷則蔭胎之
血亦隨氣而陷矣然則氣虛下陷而血未嘗虛似不應
與氣同陷也不知氣乃血之衛血賴氣以固氣虛則血
無憑依無憑依必燥急燥急必生邪熱血寒則靜血熱
則動動則外出而莫能遏又安得不下流乎倘氣不虛
而血熱則必大崩而不止些微之漏矣治法宜補其氣
之不足而洩其火之有餘則血不必止而自無不止矣
方用助氣補漏湯